

Las finanzas èn anc saunas, dentant...

Viva e lunga debatta davart il program guvernamental ed il plan da finanzas 2021–2024

DA MARTIN CABALZAR/FMR

■ La tractaziun dal program guvernamental e dal plan da finanzas 2021–2024 ha procurà ier per ina lunga ed intensiva debatta en il cussegli grond. Da principi han tuts dus instruments strategics chattà bler laud e grond sustegn. Tant las fracziuns sco singuls parlamentaris avessan dentant mess auters accents e tschentà autres prioritads. En il messadi che cumpeglia prest 150 paginas s'exprima la regenza detaigliadament davart visiuns, finamiras politicas dals proxims onns. Il program guvernamental è structurà en 12 finamiras, 29 accents da svilup e 98 mesiras concretas. Il plan da finanzas analysescha las perspectivas finanzielas e cuntegn nov directives. Entant ch'il cussegli grond po mo commentar e prender enconuschientscha dal program guvernamental decida el sez davart las directives finanzielas.

Priorisaziun e projects visiunars mancan

En la debatta è cunzunt vegini critigà che la regenza haja bain preschentà in catalog fitg vast, dentant manchentà da tschen-tar cleris prioritads e da menziunar tscherts projects glischants per l'avegnir da noss chantun. Per auters è il program memia pauc concret. Il parsura da la regenza *Christian Rathgeb* ha dentant refutà questa critica, replicond che la regenza avessia tuttavia er anc pudì allegar ulteriurs 200 fin 300 accents da svilup. La quintessenza è: Il Grischun duai daven-tar pli digital, pli innovativ, pli ecologic e pli attractiv per sa scolar, lavurar ed abi-tar.

Per *Urs Marti* (pld Cuira) è il program guvernamental «plitost in plan da reac-zion enstagl in plan d'aczion». *Reto Cra-meri* (pcd Belfort) tschertga adumbatten «projects visiunars» sco in Center naziu-



Il minister da finanzas *Christian Rathgeb* ha defendi ses plan da finanzas. FOTO O. AEBLI-ITEM

nal da sport a Lai, ina Porta Alpina u la colliaziun da viafier Scuol-Landeck. *René Epp* (pcd Cadi) batta ina lantscha per las regiuns periferas. Sustegn cumplain-chatta la proposta da la cumissiun da strategia e politica statala d'examinar la decentralisaziun da parts da l'administra-zion chantunala. Fitg critic giuditgescha *Walter von Ballmoos* (ind. Tavau) il pro-gram che seja «lunsch davent da la reali-tad», cumbattids vegini ils sintoms, senza sviluppar ideas innovativas. *Roman Hug* (pps Tsching Vitgs) monescha che «pli pauc fiss magari dapli».

Vera Stiffler (pld Cuira) avertescha da mantegnair en egl las finanzas cunzunt en ils secturs furmaziun, sanadad e so-cialesser ed accentuescha che la promozion dal Grischun sco lieu economic stoppia avair auta prioritad. *Phillip Wil-helm* (ps Tavau) e *Patrick Degiacomi* (ps Cuira) attestan ch'il cumpass da la regen-zia mussia bain anavant, el manchentia-

dentant in pau il curaschi da la regenza d'era realisar tant pli spert las finamiras formuladas. Tant pli che las finanzas lu-beschian quai, punctueschan ils socialde-mocrats. En num da la cumissiun da ges-tiun avertescha dentant *Silvia Casutt-Derungs* (pcd Foppa) da betg far illusius perturgant l'andament da finanzas dals proxims onns.

Sfidas da la planisaziun da finanzas

«Las finanzas dal chantun èn anc adina en in stadi solid», ha punctuà il minister da finanzas Rathgeb. Ils retgavs dals ultims 15 onns hajan permess da stgaffir ina gronda liquiditat ed ina sauna basa da chapital. A partir da 2021 vegini quai dentant a sa midar, avertescha Rathgeb. Entant che las expensas s'augmentan vi-navant stagneschan tant las entradas da taglia sco er las entradas or da la guliva-zion da resursas da la confederaziun.

Tranter 2021 e 2024 quintan ins num-nadamaain cun deficits tranter 70 e 105 milliuns.

Mantegnair l'equiliber finanziyal

La finamira prioritaria da la politica da fi-nanzas èsi da tegnair en l'equiliber las fi-nanzas chantunelas. Questa finamira na-po però, tenor la regenza, betg vegini cun-tanschida senza distgargas considerablas en cumparegliazion cun las cifras dal plan da finanzas. Pervia da las gron-das malsegirezzas da planisaziun ha la re-genza tschernì in proceder flexibel e pass per pass. Immediatamente duai vegini lantschada in'examinaziun cumplessiva da las incumbensas e da las prestaziuns. Tenor il minister da finanzas e la cumi-siun da gestiun ston vegini fatgas corre-cтурas per realisar ils novs puncts centrais da svilup. Quels engrevgeschan las finan-zas publicas supplementarmen per 52,5 miilliuns durant l'entira perioda dals onns 2021 fin 2024. Quels duain vegini impundids cunzunt per ils dus gronds projects ch'en veginids iniziads dal cussegli grond, numnadamaain la promozion da la transfor-maziun digitala ed il plan d'aci-zion «green deal».

Directivas empalontas

Per cunzanscher quest equiliber ha il cus-seglio grond decidi nov directives empalontas. Tranter auter na dastga il deficit annual betg surmontar ils 50 miilliuns, il quint da vias betg 20 miilliuns. Las inve-stiziuns nettas dastgan muntar a maxi-mal 170 miilliuns. La quota statala sto re-star stabila u vegini sbassada tenor pus-saivladad. Las grevezzas da taglia duian restar uschè bassas sco pussaivel en con-gual interchantunal. Spustaments da gre-vezzas tranter chantun e vischnancas èn d'evitar ed il potenzial d'adossar ils custs al chaschunader è da nizzegiar.